

ՆԿԱՐԻՉ-ՔԱՆԴԱԿԱԳՈՐԾ ԱՌՐԱՀԱՄԸ

ԱՍՏՂԻԿ ԳԵՎՈՐԳՅԱՆ

XV դարի հայ փայտագործական արվեստի երևելի հուշարձաններից մեկը Սևանի Առաքելոց վանքի զարդաքանդակ դուռն է, որն այժմ պահվում է Հայաստանի պատմության պետական թանգարանում:

Դուռն ուսումնասիրող մասնագետները (Մ. Կյումուշխանյան, Հ. Շահաթյան, Ղ. Ալիշան, Մ. Սմբատյան, Ե. Լալայան, Կ. Կոստանյան, Ե. Շահադիզ) հիմնականում ուշադրություն են դարձրել նրա արձանագրությանը, որտեղ հիշված են դուռը կերտող անձանց անունները և կերտելու ժամանակը: Գիտնականները արձանագրության թվականը կարդացել են թեև տարբեր ձևով, բայց բոլորն էլ վերագրել են XVI դարին՝ 1522, 1557, 1559 թթ.¹: Թվականների անհամաձայնությունը դժվարացրել է արձանագրությունում հիշատակված անձանց իսկությունը որոշելու գործը, մանավանդ որ, ինչպես կտեսնենք, դուռը պատրաստվել է ոչ թե XVI, այլ՝ XV դարում:

Արձանագրությունը և զարդաքանդակը հետաքրքրել է նաև Գ. Հովսեփյանին: «Սևանի Առաքելոց վանքին հարավային դուռը» խորագիրը կրող ուսումնասիրության մեջ նա համոզիչ մեկնաբանմամբ ու բանասիրական ճշգրտումներով որոշել է դռան ստեղծման ժամանակը՝ 1486 թ.²: Դրա շնորհիվ ճշգրտվել են նաև դուռն ստեղծող անձնավորությունները, որոնց մասին արձանագրության մեջ ասվում է.

ՋՀԱ՝ թուականի
լն թիւ աւելի
Յաթոռակալութեան տեառն Սարգսի
Ի խանութն Յաղուպ բեկի
Մաղկեցաւ դուռն տաճարիս
Առաքելոցն Քրիստոսի
Հրամանաւ վարդապետի
Ծռամեծիս Դանիէլի
Եւ սիրելի որդոյ սորին
Եպիսկոպոս տէր Ներսէսի
Ձեռամբ սորին աշակերտի
Անարժանիս Արրահամի
Նաեւ եղբար մեր սիրելի
Շնորհաւ իւր Գրիգորիսի
Յ(՞)ոտս անկանիմ ամենայնի
Հայցել տեառնէ պարգեւ ձրի
րաբունապետիս համայն ազգի
Եւ ծնողացն իւրոց բարի
Կարապետ քահանայի եւ մարն Համաւորի:

¹ Այս մասին տե՛ս Գ. Հովսեփյան, Նյութեր և ուսումնասիրություններ հայ արվեստի պատմության, հ. Ա, Երևան, 1983, էջ 201:

² Նույն տեղում, էջ 202:

* «ՀԱ»-ն նախորդները կարդացել են որպես թվական, մինչդեռ Գ. Հովսեփյանը կարդում է «Հայոց» և ստացվում է ՋԼԵ (1486):

Գ. Հովսեփյանը պարզել է, որ դուռը XV դ. պատվիրել է Սևանի վարդապետարանի հիմնադիր Դանիել րաբունապետը, իսկ զարդաքանդակի հեղինակն է նրա աշակերտ Աբրահամը: Քանդակագործը, քաջատեղյակ լինելով մանրանկարչական արվեստին, տերունական տարբեր պատկերների համատեղմամբ ստեղծել է մի գեղեցիկ զարդաքանդակ: Դռան ճակատային մասում «Զորեքկերպյան աթոռն» է, դրանից ցած՝ բարեխոսության տեսարանը, որի ձախ կողմում պատկերված են բարեխոսներ Աստվածամայրը և Հովհաննես Մկրտիչը, իսկ աջում՝ Ստեփանոս Նախավկան ու Գրիգոր Լուսավորիչը: Դրանից ներքև «Հոգեգալուստն» է, որից ցած, երկու կողմերում առանձին խորանների մեջ դիմաքանդակներ են, հավանաբար մեկը՝ պատվիրատուի, իսկ մյուսը՝ Աբրահամի ինքնանկարն է կամ՝ արձանագրության մեջ նշված Ներսես եպիսկոպոսի դիմապատկերը: Ամենաներքևում զարդաչուս վարդապետ է: Այս ամբողջը պարփակված է զարդաքանդակ գոտիով, որի ներսի եզրերին վերահիշյալ արձանագրությունն է:

Գ. Հովսեփյանին հետաքրքրել է նաև դռան գեղարվեստական ճոխ հարդարանքի հեղինակի ով լինելը: Գիտնականին XV դարից հայտնի են եղել երկու Աբրահամ նկարիչներ՝ ա. Աբրահամ, որին Գ. Հովսեփյանն անվանում է Սեվանեցի և համարում դռան հեղինակը, բ. Վալոց ձորի Սպիտակավոր Աստվածածին եկեղեցու գրչատան Աբրահամ ժողկողը: Նրանց մասին Հովսեփյանը գրում է, որ հիշյալները տարբեր նկարիչներ են, քանի որ Վալոց ձորի Աբրահամը «աշակերտ էր նույն վանքի վանահայր Ավագտեր վարդապետի և 1482, 1484, 1487 և 1498 թթ. յուր վանքում վերջին թվականին և նրանից քիչ առաջ «հռետոր» և ճաջ րաբունապետ» կոչված ուրիշների կողմից, մինչդեռ նույնանուն Սևանեցին Դանիելի աշակերտն է, առանց վարդապետական տիտղոսի և 1498 թվին Սևանումն էր»³:

Գ. Հովսեփյանը Աբրահամ Սևանեցուն է վերագրել Դանիել Սևանեցու պատվերով նկարազարդված Ավետարանը, որը գրվել է Աղջոց վանքում 1471 թ.⁴: Նրա գրիչն է Վարդանը: Այնուհետև ձեռագիրը տարվել է Սևան, որտեղ էլ քսանևյոթ տարի հետո՝ 1498 թ. Աբրահամը նկարազարդել է այն և Մատթեոս Ավետարանի նկարի ներքևում գրել. «ԶԱբրահամ նկարիչս յիշեա և ասա միշտ ողորմեա»⁵: Իսկ Մատթեոսի Ավետարանի վերջում թողել է հետևյալ չափածոն.

Ջաստուածարան մեծ րաբունին

ՋԴանիել մեկնող բանի

Ջստացաղ սուրբ մատենիս

և զաշակերտ եռամեծիս

ՋԱբրահամ անվարժ գրչիկս

Յիշել յազօթս ձեր արժանիս

և դուք առնէք վարձս բարիս»⁶,

Մեկ այլ հիշատակարանում նշվում է նաև ժամանակը և վայրը.

Թվ. Զեկ (1498)


Ջաստուածարան մեծ րաբունի

³ Նույն տեղում, էջ 212—213:

⁴ Մաշտոցի անվան Մատենադարան (այսուհետև՝ ՄՄ), ձեռ. 8409:

⁵ Նույն տեղում, Բ. 15բ:

⁶ Նույն տեղում, Բ. 93բ:



Սեանի Առաքելոց վանքի զարդաքանդակ դուռը:

Ըզ՛րանիւլ քաշ և արի՛
 Եւթնարփենի շնորհիւ իւր,
 Մեկնէ զբանս համասեռի,
 Նստեալ ի սուրբ Սեան կղզի
 Առաքինեալ և անուանի
 Այս ժաղելով ամենայնի
 Ի ժամանակս զառն և յետին:

Սա զարդարէ զեկեղեցի,
 Ծւա առաւել զՍեան կղզի
 Ի զանազան զարդ պերճաւի,
 Պճենալ ի տիպս հրճուելի,
 Որպէս ե այս մատեան բանի՝
 Աւետարեբ տեսան Յիսուսի
 Ծտ զսա դրել իմոյս ձեռին
 Յետ այրեցմանն դիւացն աստի
 Յիշման առնէք զսա արժանի
 Ով որ կարգա կամ հանդիպի
 Նայե զգրչակս յետ ամենի...⁷:

Ինչպես տեսնում ենք, հիշատակարաններում նշված անձնավորությունների անունները համապատասխանում են Առաքելոց վանքի դռան արձանագրությանը. նշանակում է, իսկապես երկուսն էլ կատարել է միևնույն նկարիչը՝ Այս մատյանը անհրաժեշտ է միացնել Վայոց ձորի Աբրահամի գործերին, հիմք ընդունելով նկարազարդման այն մեծ աղբյուրը, որ նկատվում է սույն ձեռագրի և Աբրահամ Վայոցձորեցու 1498 թ. նկարազարդած՝ Մատենադարանի № 5303 Ավետարանի միջև: Երկու ձեռագրերն էլ մագաղաթյա են, փոքր չափերի, և որոշ խորանադարձեր. ինչպես և Մատթեոս ավետարանչի նկարները, ունեն ճիշտ միևնույն հորինվածքները և կատարման միևնույն ոճը: Իհարկե, սա դեռ բավարար հիմք չի տալիս ասելու, որ դրանք միևնույն նկարչի գործեր են, քանի որ մեզ հայտնի շատ վարպետներ ընդօրինակել են, մեկը մյուսից կրկնելով միևնույն հորինվածքները, չնայած նրանցից յուրաքանչյուրի մոտ այնուամենայնիվ առկա է եղել ոճական տարբերությունը: Այստեղ մեղ պետք է օգնեք տերունական նկարների համեմատությունը, սակայն Աբրահամ Սեանեցու ձեռագրում չկա և ոչ մի նկար, մինչդեռ Աբրահամ Վայոցձորեցու № 5303 ձեռագրում դրանք տասնհինգն են: Մնում էր այդ նկարները համեմատել Առաքելոց դռան «Հոգեգալուստ» և «Չորեքկերպյան աթոռ» քանդակների հետ, բայց № 5303-ում այդ երկու նկարներն էլ բացակայում էին: Ուրեմն մեր ձեռքի տակ եղած փաստերը դեռևս զոհացուցիչ չէին երկու նկարիչներին նույնացնելու կամ անջատելու համար:

Խնդիրը լուծելու գործում մեզ օգնում է Աբրահամ Սեանեցու նկարազարդած մեկ այլ ձեռագիր՝ Երուսաղեմի № 3230 Ճաշոցը՝ գրված 1450 թ.: Գրիչ Գրիգորն այն ընդօրինակել է դարձյալ Դանիելի պատվերով⁸: Ձեռագրի գրությունը սկսվել է էջմիածնում, ավարտվել՝ Բյուրականում: Դանիելը այն նվիրել է Սեանի ս. Առաքելոց եկեղեցուն: Գրչի հիշատակարանում նկարազարդման մասին խոսք չկա: Ձեռագրի վերջին ստացող Ղասապօղլի Սարգսի 1491 թ. գրած հիշատակարանում ասված է, որ գիրքը գնվել է Հացունյաց երկրի Հասանդալա մայրաքաղաքում և հիշված է նրա նկարազարդման մասին. «Ջալս հոգեւոր, յոսկիազարդ եւ ծաղկաւետ, վարդափթիթ բուրաստանի տեսեալ և ցանկացաւդ եղեալ...»⁹: Նշանակում է, ձեռագիրը նկարազարդվել է 1450-ից (գրության թիվը) հետո և 1491-ից առաջ: Ճաշոցում պահպանված են երկու խորանադարձեր (թ. 365, 551), բազմաթիվ գլխազարդեր և երեք տերունական նկարներ՝ «Խաչելություն», «Հարություն» (թ. 364) և «Հոգեգալուստ» (թ. 550):

⁷ Նույն տեղում, թ. 13ր: Ձեռագիրը վերստին նորոգվել և կազմվել է 1640 թ., Կարինում: Արձաթպատ կազմը, որ փակցված է նախկին գրողմազարդ կաշեկազմի վրա, պատրաստվել է 1641 թ.:

⁸ Սույն ձեռագրի մասին առաջին անգամ տեղեկացնում է Ա. Ղազարոսյանը [տե՛ս Ա. Ղազարոսյան, Դանիել րարունապետը և Սեանի դպրոցը («Պատմա-բանասիրական հանդես», 1986, № 3, էջ 99)]:

⁹ Ն. Պողարյան, Մայր ցուցակ ձեռագրաց սր. Ցակոբեանց, հ. 9, Երուսաղեմ, 1979, էջ 546:

Առաքելոց դռան վրա պատկերված «Հոգեգալստի» համեմատությունը Ճաշոցի նկարի հետ ցույց է տալիս, որ դրանց հորինվածքները համարյա նույնությամբ կրկնված են, պատվիրատուների նկարներով հանդերձ: Ճաշոցում այս նկարի տակ կա նկարչի չափածո հիշատակարանը, որը վերաբերում է նրկարի բովանդակությանը, իսկ սկզբնատառերով կարդացվում է «Աբրահամ, Դանիէլ վարդապետ»։ այստեղից էլ հայտնի է դառնում, որ Ճաշոցը նկարազարդել է միևնույն Աբրահամ Սեանեցին:

Ճաշոցի «Խաչելություն» և «Հարություն» նկարները հորինվածքային շատ մանրամասներով (կերպարները, խորքի զարդամոտիվները, նույնիսկ՝ պատկերների մոտ լուսանցքներում գրված նրանց բացատրությունները) նման են Վայոց ձորի մանրանկարիչ Աբրահամի № 5303 Ավետարանի միևնույն նկարներին: Այս ամենից բացի, Ճաշոցի «Հարություն» պատկերի ներքևում գրված չափածո տողերը գրեթե նույնությամբ կրկնված են № 5303-ի միևնույն նկարի տակ, որի սկզբնատառերը հոգում են «Աբրահամ»:

Այս յարութիւնն է Քրիստոսի
Բանն որ յարեաւ մէջ գիշերի
Բամ անտեալ գայր լսելի,
Առ սուրբ կանայսն սբանչելի:
«Եթարեաւ չէ, աստ, է կենդանի
Հասնալ խնդրէք նման մեռելի»—
Աստ հրեշտակն լուսափայլ,
Մարիամու Մազդազնի
Իսկ Յիսուս երևելով
Որ եւ տեսնալ Մարիամի
Երթալ պաամիւ ասէ եղբարցն
Գալ տեսանել Ի Գալիլէի¹⁰:

Այս յարութիւնն է Քրիստոսի
Բանն որ յարեաւ մէջ գիշերի
Բամ անտեալ գայր լսելի
Առ սուրբ կանայսն սբանչելի:
«Եթարեաւ չէ աստ, է կենդանի
Հասնալ խնդրէք նման մեռելի»—
Ասաց հրեշտակն լուսափայլ,
Մարիամու Մազդազնի,
Իսկ Յիսուս երևելով,
Որ եւ տեսնալ Մարիամի,
Փութա ասէ պատմել եղբարցն
Գալ տեսանել Գալիլէի¹¹:

Այսպիսով, կասկած չկա, որ երկու ձեռագրերի մանրանկարները միևնույն վարպետի ստեղծագործություններ են: Հետևաբար, կարող ենք ասել, որ Սեվանի Առաքելոց վանքի հարավային դուռը կերտող նկարիչ-քանդակագործ Աբրահամը, ուրիշ Գ. Հովսեփյանը անվանում է Սեանեցի, Վայոց ձորի Սրկըղուն գյուղի (այժմ՝ Բաշքենդ) Բուրբուրդ անապատի նկարիչ և բարձնապետ Աբրահամն է: Գ. Հովսեփյանը երկու Աբրահամների տարբեր անձնավորություններ լինելը հիմնականում պատճառաբանում է նրանց միևնույն թվականին՝ 1498 թ., տարբեր վայրերում գտնված լինելու մեջ:

Այժմ տեսնենք, թե ո՞վ էր Աբրահամը և որտե՞ղ էր գտնվում այդ թվականին: Հայ գրություն պատմության մեջ զգալի դեր է կատարել և բավականին հեղինակություն վայելել Վայոց ձորի Սրկըղուն գյուղի Բուրբուրդ կամ Բուրաձոր անապատի գրչատունը: Սրկըղուն գյուղը Պոռչյանների իշխանական նստատեղին էր՝ նրանց հոգևոր և մտավոր կենտրոնը: Վանքի հիմնադրումը եղել է, երբ կառուցվել է նաև Սպիտակավոր Աստվածածին եկեղեցին, որին կից գործել է գրչատունը: Բուրբուրդի գրչատան գործունեությունն ուժեղացել է XV դ. երկրորդ կեսին, վանքի առաջնորդ Ավագտերի օրոք: Վերջինս հիշվում է՝ նաև որպես բանասեր, գրիչ ու վարդապետ: Շատերի հետ միասին Ավագտերի մոտ կրթություն են ստացել նաև նրա եղբոր՝ Տերտերի որդիները, որոնցից Դավիթը և Զաքարիան հետագայում դարձան շնորհալի գրիչներ, իսկ Աբրահամը՝ անվանի նկարիչ-քանդակագործ և բարձունի:

Աբրահամի անունը ազաչին անգամ հանդիպում է իր ավագ եղբոր՝ Դավթի 1461 թ. ընդօրինակած Ավետարանում, բայց այդտեղ չի հիշվում նրա ծագվող լինելու մասին: Ձեռագիրն ունի ոչ վարժ նկարազարդում. «Ո՞վ եղբարք,

¹⁰ Երեսուղեմ, Ս. Հակոբյանց մատենադարան, ձեռ. 3290, Թ. 364:

¹¹ ՄՄ, ձեռ. 5303, Թ. 10բ:

մեղադիր մի լինէք փոքր ծաղկիս, զի ի վարդապետէ շի ուսել և արճիճ չկայր»¹², Հնարավոր է, որ նկարազարդել է Աբրահամը, երբ դեռ մասնագիտական կրթութիւն չէր ստացել: Սկզբնական ուսումնառութիւնը ստանալով իր հորեղբոր Ավագտեր վարդապետի մոտ, այնուհետև նա, հավանաբար, եղել է Հերմոնի վանքում: Այդ մասին են վկայում Աբրահամի 1482 թ. նկարազարդած Ավետարանի չափածո տողերը, որոնցում նա հիշում է իր ուսուցիչներին..

Եւ րաբունեացս ցանկալի
Մեծն Սարգիս յոյժ գովելի
Եւ ի սորին աշակերտի՝
Աւագտերի և Յակոբի
Էւ Ծսայի նորաբուսի
Որ են շնորհօք հոգոյն ի լի¹³,

Հիշված Հակոբը և Ծսային Հերմոնի գրչատան հարգված րաբունիներից էին: Ծսային նկարիչ էր և, ինչպես երևում է, Աբրահամը մասնագիտության մեջ խորացել է աշակերտելով նրան: Հերմոնի գրիչ Անանիայի 1469 թ. ընդօրինակած Ավետարանը, հնարավոր է, որ նկարազարդած լինի Աբրահամը, երբ ուսանում էր այնտեղ, որովհետև ձեռագրի հարդարման մեջ զգացվում է նրա ոճն ու հորինվածքների յուրովի ձևավորումը¹⁴:

Բոլորեբրդում Աբրահամի նկարազարդած ձեռագրերը պատկանում են 1474 — 1487 թթ.¹⁵, 1474 թ. Հայսմավուրքն ընդօրինակված է տարբեր գրիչների կողմից, տարբեր վայրերում. «Գ (3) տեղ է գրած յՈղեգիս, Հերմոնի վանք, Աստուածածնումն էս տետրս»¹⁶:

Աբրահամն իր կրթութիւնը պետք է որ շարունակած լինի Սևանում՝ Դանիել րաբունապետի մոտ, որը և 1486 թ. Աբրահամին հանձնարարել է զարդաքանդակել Առաքելոց վանքի դուռը: Աբրահամն այստեղ նկարազարդել է նաև Երուսաղեմի Ժաշոցը, 1491-ից առաջ: 1488 թ. Աբրահամը, հավանաբար, եղել է Տփլիսում և նկարազարդել է գրիչ Մկրտիչի ընդօրինակած Ավետարանը: Գրիչը նրա մասին նշում է. «զքաջ վարդապետն Աբրահամ նկարող և զկազմող սորս»¹⁷: Ձեռագրի մանրանկարների համեմատութիւնը՝ Վայոց ձորի Աբրահամի գործերի հետ համոզում են, որ դրանք միևնույն նկարչի աշխատանքներն են: Ավելին. № 5303 ձեռագրի տեքստում տեղագրված նկարներն իրենց յուրահատուկ ձևավորմամբ զարմանալիորեն հիշեցնում են Տփլիսի նկարիչ Մանուելի 1445 թ. նկարազարդած Ավետարանի տեքստական որոշ նկարներ¹⁸, ուստի Աբրահամը պետք է որ տեսած լիներ դրանք: 1493 թ. Աբրահամը նկարազարդել է մի Ավետարան, որի վայրն ու գրիչն անհայտ են: 1495 թ. Աբրահամը դարձյալ Սյունիքում էր՝ Վերին Նորավանքում, որտեղ գրիչ Գրիգորը նրա համար ընդօրինակեց մի Ավետարան. «զԱբրահամ քաջ րաբունապետ ստացող սուրբ Աւետարանիս»¹⁹: Սա Մատենադարանի № 5303 Ավետարանն է, ուր Մատթեոս ավետարանիչի նկարի ներքևում Աբրահամը թողել է հետևյալ

¹² ՄՄ, ձեռ. 6860, Թ. 133ա, Արճիճը մանրանկարչության մեջ օգտագործվել է ուրվանկարի լու համար:

¹³ Լ. Խաչիկյան, ԺԾ գարի հայերեն ձեռագրերի հիշատակարաններ, հ. Գ, Երևան, 1967, էջ 27,

¹⁴ էշմիածին, Մայր Աթոռի մատենադարան, ձեռ. 322,

¹⁵ ՄՄ, ձեռ. 6268, 2634, 221, 942, 7770, 6273,

¹⁶ ՄՄ, ձեռ. 6268, Թ. 394բ,

¹⁷ էշմիածին, Մայր Աթոռի մատենադարան, ձեռ. 129, Թ. 224ա,

¹⁸ ՄՄ, ձեռ. 5784: Ձեռագիրը 1293 թ. ընդօրինակվել է Կղիկիայում: Որոշ նկարներ արել է նկարիչ Սիոնը: Տփլիսում Մանուելը ավելացրել է տեքստական նկարները և որոշ լուսանցազարդեր:

¹⁹ ՄՄ, ձեռ. 5303, Թ. 126ա:

գրությունը. «Ջանարժան Աբրահամ ստացիլ և նկարիչ սուրբ Աւետարանիս հանդերձ ծնողօք և վարդապետաւք յիշեսցիք...» (թ. 29բ): Իրեն պատկանող այդ ձեռագրի նկարազարդումն Աբրահամը սկսել է 1496 թ. Տաթևում. «Թվին Ջնն (1496) Ստաթէի վանքս ծաղկեցաւ»²⁰. Շատ հնարավոր է, որ այդ տարիներին նրան իբրև ռաբունապետ հրավիրած լինեին Տաթև²¹: Աբրահամի այս ձեռագիրը մեղ հայտնի վերջին գործն է, որի նկարազարդումը տևել է շուրջ յոթ տարի՝ 1496—1502 թթ.: Բայց արդյո՞ք այդ յոթ տարիները նա անցկացրեց միայն Տաթևում: Ինչպես տեսանք, 1498 թ. նա նկարազարդել է Դանիել Սևանեցու Ավետարանը: Նշանակում է, նկարիչն իր կապերը չէր խզել Բուրբուրեղի ու Սևանի գրչատների հետ և միաժամանակ նկարազարդել է երկու ձեռագրերն էլ:

Աբրահամը № 5303 ձեռագրի տեղումնական նկարները ավարտած պետք է լինի 1498 թ.: Այդ է վկայում «Քրիստոսի երկրորդ գալուստը» պատկերի ցածում եղած չափածո տողերի վերջում նշված թվականը՝ 1498: Հետագա տարիներին, մինչև 1502 թ., նկարիչը շարունակել է ձեռագրի մնացած հարդարանքը, իսկ այդ ընթացքում (1500 թ.) նա նկարազարդել է ևս մեկ ձեռագիր՝ Մատենադարանի № 1579 Շարակնոցը, որի ընդօրինակման վայրն անհայտ է:

Տարբեր վայրերում Աբրահամի լինելը, ինչպես և տարբեր դպրոցներում սովորելը, անշուշտ իր ազդեցությունն է թողել նրա արվեստում: Ուշագրավ է, որ Բուրբուրեղում ընդօրինակված թղթյա մատյանների նկարազարդումներն անհամեմատ ավելի թույլ գործեր են և բացի այդ՝ ոճական առումով նման չեն միմյանց: Եթե այդ ձեռագրերում պահպանված չլինեին նրա մասին տեղեկություններ (ծնողների, հարազատների անունները), հեշտությամբ նրանցից չէրաբաժանելուր կարելի էր համարել առանձին նկարչի ձեռքի աշխատանք: Հուկառակ դրա, ուշ շրջանի գործերում զգալի նմանություն է նկատվում: Եվ թեև մագաղաթի վրա աշխատելն անհամեմատ ավելի դժվար էր, այդուհանդերձ Աբրահամը հանդես է եկել իբրև հասուն արվեստագետ, իբրև՝ «քաջ ռաբունապետ»: Նրա վերջին գործերը թե՛ իրենց հորինվածքային կառուցվածքով և թե՛ ոճական առումով խիստ հարազատ են միմյանց: Աբրահամի դիմապատկերները նրբագեղ են, մշակված գեղագիտական հմտությամբ: Գունազարդման տեխնիկան նույնպես հասել է մեծ վարպետության. հագեցված ու ներդաշնակ գունաշարին օգնել է ոսկու համադրումը: Եթե Աբրահամի սկզբնական շրջանի գործերում նկատվում են Գյաձորի համալսարանի մանրանկարչության և, մասնաւորապես, Թորոս Տարոնացու արվեստի ազդեցությունը, ապա ուշ շրջանի գործերը, ինչպես նկատել է Գ. Հովսեփյանը, աղերսվում են «Պիծակյանը հիշեցնող» նրբագեղ զարդամոտիվների հետ²²:

Աբրահամի արվեստի ճանաչմանն ու գնահատմանը մեծապես օգնում է № 5303 ձեռագրի հարդարանքը և հատկապես նրա տեղումնական նկարների հարուստ շարքը: Ձեռագրի սկզբում տեղադրված են տասներկու պատկեր: Դրանք ունեն խիստ անկանոն դասավորություն. պետք է ենթադրել, որ հրթրականությունը խախտվել է հետագա վերանորոգման ժամանակ²³: Երեք նրկար տեղադրված են տեքստի հետ՝ համապատասխան տեղերում. դրանք են «Մնունդ» (34ա), «Մկրտություն» (37բ), «Քրիստոսն աշակեցողների հետ» (41ա): Կանոնիկ նկարների շարքից սրանց բացակայության մասին նկարիչը զգուշացնում է «Ընծայումն» նկարի վերին լուսանցքում. «գՄնունդն և զմկրտու-

²⁰ Նույն տեղում, թ. 193բ:

²¹ Ա. Միրզոյանը Տաթևի նկարիչների շարքում ներկայացրել է նաև Աբրահամին (տե՛ս А. Мирзоян, О группе иллюстрированных рукописей (XIV—XV вв.) Татевского монастыря (автореферат), Ереван, 1972, с. 13:

²² Գ. Հովսեփյան, Խաղրակյանք կամ Պոռչյանք հայոց պատմության մեղ, Անթիլիաս, 1969, էջ 358:

²³ Ձեռագրի հետագա հիշատակարանները պատմում են, որ այն տարվել է Ստամբուլ, իսկ XVII դ. եղել է վարազա ու Խաչ վանքում:

թիւն ի Մատթէոս գլուխն գիտ իւր տեղն»։ Ձեռագրի հարդարման այս ձևը, որ շատ հարազատ էր դարձել կիլիկյան արվեստին, մուտք էր գործել Գլաձոր և, ինչպես տեսնում ենք, փորձել է կիրառել նաև Աբրահամը։ Որոշ նկարներ հետաքրքրական են ոչ միայն իրենց ձևավորմամբ, այլև պատկերազարման տարբերակով։ Երինակ, «Խորհրդավոր ընթրիքում» Քրիստոսի հետ սեղանի շուրջը նկարված են ոչ թե տասներկու, այլ տասներեք առաքյալներ։ Այստեղ նշկարիչը Հուդային ներկայացրել է երկու անգամ, տարբեր գործողության մեջ՝ ա. սեղանին հակված և ձեռքերը մեկնած ամանին, բ. Քրիստոսը պատառ տալիս է Հուդային։ Նկարի տակ կա նրա բովանդակությունը արտահայտող նկարչի հորինած շափածոն, որը վերջանում է այսպես.

«Առեալ զպատան տայ Յուդային
Մատնեալ զմատնոցն վարդապետին»²⁴։

Մանրանկարչության մեջ այդ երկու տարբերակներն էլ կան, բայց ոչ միաժամանակ։

Ամփոփենք. Սևանի Առաքելոց վանքի հարավային դռան քանդակագործը ճշել է Վայոց ձորի Սրկդուն գյուղի Բողորբերդ անապատի XV դ. երկրորդ կեսի մանրանկարիչ Աբրահամը։ Ասենք նաև, որ նրա նկարազարդած ձեռագրերից ուսար գտնվում են Մաշտոցի անվան Մատենադարանում²⁵, մեկը՝ Երուսաղեմում²⁶, մեկը՝ Վիեննայում²⁷ և երկուսը՝ էջմիածնի Մայր Աթոռի մատենադարանում²⁸։ Աբրահամը իր վերջին և արժեքավոր գործը ստեղծել է Տաթևում, երբ արդեն ճանաչված էր որպես «քաջ ըմբռնապետ»։ Աբրահամի կերտած Սևանի Առաքելոց եկեղեցու դուռը լրացուցիչ և կարևոր մի փաստ է, որը գալիս է հարստացնելու նկարչի արվեստի մասին մեր իմացությունը և հնարավորություն է տալիս նրան համարելու XV դ. Սյունիքի լավագույն արվեստագետներից մեկը։

ХУДОЖНИК-СКУЛЬПТОР АБРААМ

АСТХИК ГЕВОРКЯН

Резюме

В Историческом музее Армении хранится украшенная рельефами дверь Севанского монастыря Аракеоц, изготовленная в 1486 году мастером Абраамом по заказу настоятеля монастыря и рабунапета Даниела Севанеци.

Гарегин Овсепян, во избежание огождествления этого Абраама с одноименным художником XV в., работавшим в обители Болорберд, назвал первого из них Севанеци. Исследования показали, что Абраам Севанеци и Абраам Болорбердци—одно и то же лицо. Это был умелый мастер, занимавшийся как иллюстрированием рукописей, так и скульптурными работами.

²⁴ ՄՄ, ձև. 5303, ք. 3ա։

²⁵ ՄՄ, ձև. 221, 942, 1579, 2634, 2781, 5303, 6268, 6965, 7770, 8409։

²⁶ Երուսաղեմ, Ս. Հակոբյանց մատենադարան, ձև. 3230։

²⁷ Վիեննայի Մխիթարյան մատենադարան, ձև. 403։

²⁸ էջմիածին, Մայր Աթոռի մատենադարան, ձև. 129, 322։